




02234

春秋公羊傳

漢

何

休



明 閔 齊 伋 裁 一 註

閔公

元年春王正月閔公何以不言即位繼弑君

不言即位孰繼繼子般也孰弑子般慶父也

殺公子牙今將爾季子不免慶父弑君何以

不誅將而不免過惡也既而不可及因獄有

春秋公羊傳

閔公

稽古樓

所歸不探其情而誅焉親親之道也惡乎歸

獄歸獄僕人鄧扈樂曷為歸獄僕人鄧扈樂

莊公存之時樂曾淫於宮中子般執而鞭之

莊公死慶父謂樂曰般之辱爾國人莫不知

盍弑之矣使弑子般然後誅鄧扈樂而歸獄

焉季子至而不變也

齊人救邢

夏六月辛酉葬我君莊公

秋八月公及齊侯盟于洛姑

季子來歸傳其稱季子何賢也其言來歸何喜之也

冬齊仲孫來傳齊仲孫者何公子慶父也公

子慶父則曷為謂之齊仲孫繫之齊也曷為

繫之齊外之也曷為外之春秋為尊者諱為

親者諱為賢者諱子女子曰以春秋為春秋

齊無仲孫其諸吾仲孫與女音汝

春秋公羊傳閔公

稽古樓

為尊者諱為閔公諱受賊人也為親者諱

為季子親親而受之故諱也為賢者諱以

季子有過牙不殺慶父之賢故為諱之夫

子修史記為春秋今言以春秋為春秋則

史記舊有春秋之名

二年春王正月齊人遷陽

夏五月乙酉吉禘于莊公傳其言吉何言吉

者未可以吉也曷為未可以吉未三年也三

年矣曷爲謂之未三年三年之喪實以二十
五月其言於莊公何未可以稱宮廟也曷爲
未可以稱宮廟在三年之中矣吉禘於莊公
何以書譏何譏爾譏始不三年也

莊公薨至是適二十二月必二十五月者

取期再期恩倍漸三年也二十五月漸得

三年之竟故曰漸三年

秋八月辛丑公薨公薨何以不地隱之也

春秋公羊閔公三稽古樓

何隱爾弑也孰弑之慶父也殺公子牙今將

爾季子不免慶父弑二君何以不誅將而不

免過惡也既而不可及緩追逸賊親親之道

也

九月夫人姜氏孫于邾婁

公子慶父出奔莒

冬齊高子來盟高子者何齊大夫也何以

不稱使我無君也然則何以不名喜之也何

喜爾正我也其正我奈何莊公死子般弑閔公弑比三君死曠年無君設以齊取魯曾不興師徒以言而已矣桓公使高子將南陽之甲立僖公而城魯或曰自鹿門至於爭門者是也或曰自爭門至於吏門者是也魯人至今以爲美談曰猶望高子也

設設時勢然

十有二月狄入衛

春秋

公羊傳

閔公

四

稽古樓

鄭棄其師傳鄭棄其師者何惡其將也鄭伯惡高克使之將逐而不納棄師之道也

使之將使將師救衛

春秋公羊傳閔公終

春秋公羊傳

漢何休學

明閔齊伋裁註

僖公

元年春王正月僖公何以不言即位繼弑君子不言即位此非子也其稱子何臣子一例也

僖公者閔公庶兄

春秋公羊傳

僖公

稽古樓

齊師宋師曹師次于聶北救邢傳救邢救不言次此其言次何不及事也不及事者何邢已亡矣孰亡之蓋狄滅之曷為不言狄滅之為桓公諱也曷為為桓公諱上無天子下無方伯天下諸侯有相滅亡者桓公不能救則桓公恥之曷為先言次而後言救君也君則其稱師何不與諸侯專封也曷為不與實與而文不與文曷為不與諸侯之義不得專封

也諸侯之義不得專封則其曰實與之何上
無天子下無方伯天下諸侯有相滅亡者力
能救之則救之可也

君也者据襄二十三年叔孫豹帥師救晉
次于雍榆先言救也叔孫豹臣也當先通
君命故先言救今此先言次知實諸侯矣
不與諸侯專封故沒君文而但舉師

夏六月邢遷于陳儀儀遷者何其意也遷之

春秋

公羊傳

儀公

二

稽古樓

者何非其意也

陳左作夷

遷之如宋人遷宿

齊師宋師曹師城邢圍此一事也曷爲復言
齊師宋師曹師不復言師則無以知其爲一
事也

秋七月戊辰夫人姜氏薨于夷齊人以歸傳
夷者何齊地也齊地則其言齊人以歸何夫
人薨于夷則齊人以歸夫人薨于夷則齊人

曷爲以歸桓公召而縊殺之

先言薨後言以歸而不言喪者起桓公召夫人於邾婁歸殺之於夷因而內諱恥使若夫人自薨於夷然後齊人以歸者也

楚人伐鄭

八月公會齊侯宋公鄭伯曹伯邾婁人于扈

左穀作櫪

九月公敗邾婁師于纓

左穀作偃

春秋

公羊傳

僖公

三

稽古樓

冬十月壬午公子友帥師敗莒師于犁獲莒

挈囷莒挈者何莒大夫也莒無大夫此何以

書大季子之獲也何大乎季子之獲季子治

內難以正禦外難以正其禦外難以正奈何

公子慶父弑閔公走而之莒莒人逐之將由

乎齊齊人不納却反舍于汶水之上使公子

奚斯人請季子曰公子不可以入入則殺矣

奚斯不忍反命于慶父自南浹北面而哭慶

父聞之曰嘻此奚斯之聲也諾已曰吾不得入矣於是抗斬經而死莒人聞之曰吾已得子之賊矣以求賂乎魯魯人不與爲是興師而伐魯季子待之以偏戰

諾已皆自畢語猶似今人云休一生罷去已莒人可忿而能結日偏戰是其不加暴

之義

十有二月丁巳夫人氏之喪至自齊傳夫人

春秋公羊

僖公

四

稽古樓

何以不稱姜氏貶曷爲貶與弑公也然則曷爲不於弑焉貶貶必於重者莫重乎其以喪至也

刑人於市與眾棄之故必於臣子集迎之時貶之所以明誅得其罪

二年春王正月城楚邱傳孰城城衛也曷爲不言城衛滅也孰滅之蓋狄滅之曷爲不言狄滅之爲桓公諱也曷爲爲桓公諱上無天

子下無方伯天下諸侯有相滅亡者桓公不能救則桓公恥之也然則孰城之桓公城之曷爲不言桓公城之不與諸侯專封也曷爲不與實與而文不與文曷爲不與諸侯之義不得專封諸侯之義不得專封則其曰實與之何上無天子下無方伯天下諸侯有相滅亡者力能救之則救之可也

滅也者言是時衛國已滅故不得言城衛

春秋

公羊傳

僖公

五

稽古樓

夏五月辛巳葬我小君哀姜傳哀姜者何莊公之夫人也

虞師晉師滅夏陽傳虞微國也曷爲序乎大國之上使虞首惡也曷爲使虞首惡虞受賂假滅國者道以取亡焉其受賂奈何獻公朝諸大夫而問焉曰寡人夜者寢而不寐其意也何諸大夫有進對者曰寢不安與其諸侍御有不在側者與獻公不應荀息進曰虞郭

見與獻公揖而進之遂與之入而謀曰吾欲
攻郭則虞救之攻虞則郭救之如之何願與
子慮之荀息對曰君若用臣之謀則今日取
郭而明日取虞爾君何憂焉獻公曰然則奈
何荀息曰請以屈產之乘與垂棘之白璧往
必可得也則寶出之內藏藏之外府馬出之
內廢繫之外廢爾君何喪焉獻公曰諾雖然
宮之奇存焉如之何荀息曰宮之奇知則知
矣雖然虞公貪而好寶見寶必不從其言請
終以往於是終以往虞公見寶許諾宮之奇
果諫記曰唇亡則齒寒虞郭之相救非相爲
賜則晉今日取郭而明日虞從而亡爾君請
勿許也虞公不從其言終假之道以取郭還
四年反取虞虞公抱寶牽馬而至荀息見曰
臣之謀何如獻公曰子之謀則已行矣寶則
吾寶也雖然吾馬之齒亦已長矣蓋戲之也

春秋

公羊傳

僖公

六

稽古樓

夏陽者何郭之邑也曷爲不繫乎郭國之也
曷爲國之君存焉爾

虞郭見與猶曰虞郭豈見於君之心乎屈
產出名馬之地記史記也賜猶惠也以馬
齒長戲之喻荀息之年老

秋九月齊侯宋公江人黃人盟于貫澤傳江
人黃人者何遠國之辭也遠國至矣則中國
曷爲獨言齊宋至爾大國言齊宋遠國言江
春秋公羊傳僖公七稽古樓
黃則以其餘爲莫敢不至也

江黃附從霸者當進不進方爲徧至之辭

冬十月不雨傳何以書記異也

楚人侵鄭

三年春王正月不雨

夏四月不雨傳何以書記異也

徐人取舒傳其言取之何易也

六月雨傳其言六月雨何上雨而不甚也

所以詳錄賢君精誠之應

秋齊侯宋公江人黃人會于陽穀傳此大會也曷為末言爾桓公曰無障谷無貯粟無易樹子無以妾為妻

末者淺耳謂但言會不言盟也桓公功德

隆盛諸侯戒曰無言不從曷為用盟哉故

告誓而已水注川曰溪注溪曰谷

冬公子友如齊蓋盟傳蓋盟者何往盟乎彼

春秋公羊傳備公

八 稽古樓

也其言來盟者何來盟于我也

益臨也春秋王魯故使若王者遣使臨諸

侯盟

楚人伐鄭

四年春王正月公會齊侯宋公陳侯衛侯鄭

伯許男曹伯侵蔡蔡潰潰者何下叛上也

國曰潰邑曰叛

遂伐楚次于陘傳其言次于陘何有侯也孰

俟侯屈完也

夏許男新臣卒

楚屈完來盟于師盟于召陵傳屈完者何楚大夫也何以不稱使尊屈完也曷爲尊屈完以當桓公也其言盟于師盟于召陵何師在召陵也師在召陵則曷爲再言盟喜服楚也何言乎喜服楚楚有王者則後服無王者則先叛夷狄也而亟病中國南夷與北狄交中國不絕若綫桓公救中國而攘夷狄卒怙荆以此爲王者之事也其言來何與桓爲主也前此者有事矣後此者有事矣則曷爲獨於此焉與桓公爲主序績也

春秋

公羊傳

僖公

九

稽古樓

以當桓公者增倍使若得其君以醇霸德成王事也曷爲再言盟孔子曰書之重辭之復嗚呼不可不察其中必有美者焉綫縫帛縷喻微也怙服也廣雅云靜也序次

也績功也累次桓公之功莫大於服楚也

齊人執陳袁濤塗傳濤塗之罪何辟軍之道

也其辟軍之道奈何濤塗謂桓公曰君既服

南夷矣何不還師濱海而東服東夷且歸桓

公曰諾於是還師濱海而東大陷于沛澤之

中顧而執濤塗執者曷為或稱侯或稱人稱

侯而執者伯討也稱人而執者非伯討也此

執有罪何以不得為伯討古者周公東征則

春秋公羊傳僖公十稽古樓

西國怨西征則東國怨桓公假塗于陳而伐

楚則陳人不欲其反由已者師不正故也不

脩其師而執濤塗古人之討則不然也袁左作較

草棘曰沛漸洳曰澤

秋及江人黃人伐陳

八月公至自伐楚傳楚已服矣何以致伐楚

叛盟也

傳云得意致會不得意致伐

葬許繆公

冬十有一月公孫慈帥師會齊人宋人衛人鄭人許人曹人侵陳

五年春晉侯殺其世子申生傳曷為直稱晉侯以殺殺世子母弟直稱君者甚之也

公子貫於先君唯世子母弟以今君錄親親也今舍國體直稱君知以親親責之

杞伯姬來朝其子傳其言來朝其子何內辭

春秋公羊

僖公

十一

稽古樓

也與其子俱來朝也

禮外孫初冠有朝外祖之道故使若來朝其子以殺直來之恥所以辟教戒之不明也

夏公孫慈如牟

公及齊侯宋公陳侯衛侯鄭伯許男曹伯會

王世子于首戴傳曷為殊會王世子世子貴

也世子猶世世子也戴左作止

殊別也。世世子解貴意也。言當世父位不可以諸侯會之。故殊之。使若諸侯爲世子所會也。

秋八月諸侯盟于首戴。傳諸侯何以不序一事而再見者。前目而後凡也。

鄭伯逃歸不盟。傳其言逃歸不盟者何不可使盟也。不可使盟則其言逃歸何。魯子曰蓋不以寡犯眾也。

春秋

公羊傳

僖公

十二

稽古樓

鄭伯懷二心內欲與楚外依古不盟爲解。安居會上不肯從桓公盟故云逃歸所以抑一人之惡申眾人之善。

楚人滅弦。弦子奔黃。

九月戊申朔日有食之。

冬晉人執虞公。傳虞已滅矣其言執之何不與滅也。曷爲不與滅滅者亡國之善辭也。滅者上下之同力者也。

有王者起當存之故爲善辭又臣子與君戮力一心共死之辭也虞公滅人以自亡

當絕

六年春王正月

夏公會齊侯宋公陳侯衛侯曹伯伐鄭圍新

城傳邑不言圍此其言圍何彊也

惡桓公行霸彊而無義非所以附疏

秋楚人圍許諸侯遂救許

春秋公羊傳

僖公

十三

稽古樓

冬公至自伐鄭

七年春齊人伐鄭

夏小邾婁子來朝左穀無雙字

鄭殺其大夫申侯傳其稱國以殺何稱國以

殺者君殺大夫之辭也

秋七月公會齊侯宋公陳世子款鄭世子華

盟于甯母

曹伯般卒

公子友如齊

冬葬曹昭公

八年春王正月公會王人齊侯宋公衛侯許

男曹伯陳世子款鄭世子華盟于洮

者何微者也曷為序乎諸侯之上先王命也

穀無鄭世子華

衛王命會諸侯諸侯當北面受之故尊序

於上

春秋

公羊傳

僖公

十四

稽古樓

鄭伯乞盟乞盟者何處其所而請與也其

處其所而請與奈何蓋酌之也

酌挹也時鄭伯欲與楚不肯自來盟處其

國遣使挹取其血而請與之約束無汲汲

慕中國之心故抑之使若叩頭乞盟者

夏秋伐晉

秋七月禘于大廟用致夫人

不宜用也致者何致者不宜致也禘用致夫

人非禮也夫人何以不稱姜氏貶曷爲貶譏以妾爲妻也其言以妾爲妻奈何蓋脅於齊媵女之先至者也

僖公本聘楚女爲嫡齊女爲媵齊先致其女魯僖公使用爲嫡故從父母辭言致禮夫人始見廟當特祭而因禘諸公廟見不敬故譏之

冬十有二月丁未天王崩

春秋

公羊傳

僖公

十五

稽古樓

九年春王三月丁丑宋公禦說卒傳何以不書葬爲襄公諱也

襄公背殯出會故不書葬使若非背殯者

夏公會宰周公齊侯宋子衛侯鄭伯許男曹

伯于葵丘傳宰周公者何天子之爲政者也

秋七月乙酉伯姬卒傳此未適人何以卒許

嫁矣婦人許嫁字而笄之死則以成人之喪

治之

字者尊而不泄所以遠別也

九月戊辰諸侯盟于葵邱傳桓之盟不曰此何以曰危之也何危爾貫澤之會桓公有憂中國之心不召而至者江人黃人也葵邱之會桓公震而矜之叛者九國震之者何猶曰振振然矜之者何猶曰莫若我也

甲戌晉侯詭諸卒

冬晉里克弑其君之子奚齊傳此未踰年之

春秋

公羊傳

僖公

十六

稽古樓

君其言弑其君之子奚齊何殺未踰年君之號也

十年春王正月公如齊

狄滅溫溫子奔衛

晉里克弑其君卓子及其大夫荀息傳及者何累也弑君多矣舍此無累者乎曰有孔父仇牧皆累也舍孔父仇牧無累者乎曰有有則此何以書賢也何賢乎荀息荀息可謂不

食其言矣其不食其言奈何奚齊卓子者驪
姬之子也荀息傅焉驪姬者國色也獻公愛
之甚欲立其子於是殺世子申生申生者里
克傅之獻公病將死謂荀息曰士何如則可
謂之信矣荀息對曰使死者反生生者不愧
乎其言則可謂信矣獻公死奚齊立里克謂
荀息曰君殺正而立不正廢長而立幼如之
何願與子慮之荀息曰君嘗訊臣矣臣對曰
使死者反生生者不愧乎其言則可謂信矣
里克知其不可與謀退弑奚齊荀息立卓子
里克弑卓子荀息死之荀息可謂不食其言
矣

春秋

公羊

僖公

七

稽古樓

不食言者不如食受之而消亡之以奚齊

卓子皆立

夏齊侯許男伐北戎

晉殺其大夫里克○里克弑二君則曷爲不

以討賊之辭言之惠公之大夫也然則孰立
惠公里克也里克弑奚齊卓子逆惠公而入
里克立惠公則惠公曷爲殺之惠公曰爾旣
殺夫二孺子矣又將圖寡人爲爾若者不亦
病乎於是殺之然則曷爲不言惠公之入晉
之不言出入者踊爲文公諱也齊小白入於
齊則曷爲不爲桓公諱桓公之享國也長美
見乎天下故不爲之諱本惡也文公之享國
春秋公羊傳僖公十六稽古樓

也短美未見乎天下故爲之諱本惡也

踊豫也齊人語若關西言渾矣獻公殺申

生文公惠公恐見及出奔不子當絕還入

爲篡文公功足以并掩前人之惡故惠公

入懷公出文公入渾皆不書悉爲文公諱

故也

秋七月

冬大雨雹何以書記異也

十有一年春晉殺其大夫平鄭父左無父字

夏公及夫人姜氏會齊侯于陽穀

秋八月大雩

冬楚人伐黃

十有二年春王三月庚午日有食之

夏楚人滅黃

秋七月

冬十有二月丁丑陳侯處臼卒

春秋公羊傳僖公十九稽古樓

十有三年春狄侵衛

夏四月葬陳宣公

公會齊侯宋公陳侯衛侯鄭伯許男曹伯于

鹹

秋九月大雩

冬公子友如齊

十有四年春諸侯城緣陵傳孰城之城杞也

曷為城杞滅也孰滅之蓋徐莒魯之曷為不

言徐莒脅之爲桓公諱也曷爲爲桓公諱上無天子下無方伯天下諸侯有相滅亡者桓公不能救則桓公恥之也然則孰城之桓公城之曷爲不言桓公城之不與諸侯專封也曷爲不與實與而文不與文曷爲不與諸侯之義不得專封也諸侯之義不得專封則其曰實與之何上無天子下無方伯天下諸侯有相滅亡者力能救之則救之可也

春秋

公羊

僖公

二十

稽古樓

夏六月季姬及鄆子遇于防使鄆子來朝鄆子曷爲使乎季姬來朝內辭也非使來朝使來請已也

范氏云魯女無故遠會諸侯遂得淫通此亦事之不然左傳曰鄆季姬來寧公怒之以鄆子不朝遇于防而使來朝此近合人情何氏以爲鄆魯相近信使汎通男女之情風流應合末世無禮容或有之若姜氏

如莒之流寧可然問也

秋八月辛卯沙鹿崩傳沙鹿者河上之邑也此邑也其言崩何襲邑也沙鹿崩何以書記異也外異不書此何以書爲天下記異也

襲者然陷入於地中也河岸有高下如山有地矣故得言崩

狄侵鄭

冬蔡侯胙卒

春秋公辛

僖公

王

稽古樓

十有五年春王正月公如齊

楚人伐徐

三月公會齊侯宋公陳侯衛侯鄭伯許男曹

伯盟于牡邱遂次于匡

公孫放率師及諸侯之大夫救徐

夏五月日有食之

秋七月齊師曹師伐厲

八月蠲

九月公至自會稽桓公之會不致此何以致久也

季姬歸于郕

己卯晦震夷伯之廟隱晦者何冥也震之者何雷電擊夷伯之廟者也夷伯者曷為者也季氏之孚也季氏之孚則微者其稱夷伯何大之也曷為大之天戒之故大之也何以書記異也

春秋

公羊傳

僖公

十一

稽古樓

孚信也季氏所信任臣

冬宋人伐曹

楚人敗徐于婁林

十有一月壬戌晉侯及秦伯戰于韓獲晉侯

傳此偏戰也何以不言師敗績君獲不言師敗績也

十有六年春王正月戊申朔賁石于宋五是月六鷁退飛過宋都傳曷為先言賁而後言

石實石記聞聞其碩然視之則石察之則五
是月者何僅逮是月也何以不曰晦日也晦
則何以不言晦春秋不書晦也朔有事則書
晦雖有事不書曷爲先言六而後言鷁六鷁
退飛記見也視之則六察之則鷁徐而察之
則退飛五石六鷁何以書記異也外異不書
此何以書爲王者之後記異也

是月是月邊也魯人語晦雖有事不書者

春秋

公羊傳

僖公

三

稽古樓

重始而終自正也

三月壬申公子季友卒

傳其稱季友何賢也

夏四月丙申鄆季姬卒

秋七月甲子公孫慈卒

冬十有一月公會齊侯宋公陳侯衛侯鄭伯

許男邢侯曹伯于淮

十有七年春齊人徐人伐英氏

夏滅項

傳孰滅之齊滅之曷爲不言齊滅之

爲桓公諱也春秋爲賢者諱此滅人之國何賢爾君子之惡惡也疾始善善也樂終桓公嘗有繼絕存亡之功故君子爲之諱也

疾始者絕其始則不得終其惡樂終樂賢者終其行

秋夫人姜氏會齊侯于卞

九月公至自會

十有二月乙亥齊侯小白卒

春秋公羊

傳

三西

稽古樓

十有八年春王正月宋公會曹伯衛人邾婁人伐齊

夏師救齊

五月戊寅宋師及齊師戰于靡齊師敗績戰不言伐此其言伐何宋公與伐而不與戰故言伐春秋伐者爲客伐者爲主曷爲不使齊主之與襄公之征齊也曷爲以襄公之征齊桓公死豎刁易牙爭權不葬爲是故伐之

也

狄救齊

秋八月丁亥葬齊桓公

冬邢人狄人伐衛

十有九年春王三月宋人執滕子嬰齊

夏六月宋人曹人邾婁人盟于曹南鄆子會

盟于邾婁傳其言會盟何後會也

己酉邾婁人執鄆子用之傳惡乎用之用之

春秋公羊

傳 僖公

三十五

稽古樓

社也其用之社奈何蓋叩其鼻以血社也

魯本許嫁季姬於邾婁季姬淫泆使鄆子

請已而許之二國交忿襄公爲此盟欲和

解之既在會間反爲邾婁所欺執用鄆子

恥辱加於宋矣

秋宋人圍曹

衛人伐邢

冬公會陳人蔡人楚人鄭人盟于齊

梁亡傳此未有伐者其言梁亡何自亡也其
自亡奈何魚爛而亡也

梁君隆刑峻法一家犯罪四家坐之一國
之中無不被刑者百姓一旦相率俱去狀
若魚爛魚爛從內發故云

二十年春新作南門傳何以書譏何譏爾門
有古常也

惡奢泰不奉古制常法

春秋

公羊傳

僖公

二十

稽古樓

夏鄫子來朝傳鄫子者何失地之君也何以
不名兄弟辭也

五月乙巳西宮災傳西宮者何小寢也小寢
則曷爲謂之西宮有西宮則有東宮矣魯子
曰以有西宮亦知諸侯之有三宮也西宮災
何以書記異也

西宮右媵所居

鄭人入滑

秋齊人狄人盟于邢

冬楚人伐隨

二十有一年春秋侵衛

宋人齊人楚人盟于鹿上

夏大旱傳何以書記災也

秋宋公楚子陳侯蔡侯鄭伯許男曹伯會于

霍執宋公以伐宋傳孰執之楚子執之曷為

不言楚子執之不與夷狄之執中國也霍左作孟

春秋公羊傳僖公二毛稽古樓

穀作

冬公伐邾婁

楚人使宜申來獻捷傳此楚子也其稱人何

貶曷為貶為執宋公貶曷為為執宋公貶宋

公與楚子期以乘車之會公子目夷諫曰楚

夷國也疆而無義請君以兵車之會往宋公

曰不可吾與之約以乘車之會自我為之自

我墮之曰不可終以乘車之會往楚人果伏

兵車執宋公以伐宋宋公謂公子目夷曰子歸守國矣國子之國也吾不從子之言以至乎此公子曰夷復曰君雖不言國國固臣之國也於是歸設守械而守國楚人謂宋人曰子不與我國吾將殺子君矣宋人應之曰吾賴社稷之神靈吾國已有君矣楚人知雖殺宋公猶不得宋國於是釋宋公宋公釋乎執走之衛公子曰夷復曰國爲君守之君曷爲其圍爲公子曰夷諱也

春秋

公羊

僖公

三十一

稽古樓

不入然後逆襄公歸惡乎捷捷乎宋曷爲不言捷乎宋爲襄公諱也此圍辭也曷爲不言其圍爲公子曰夷諱也

襄公憂中國故爲諱捷目夷有解圍存國免主之功故爲諱圍

十有二月癸丑公會諸侯盟于薄釋宋公也
也公與爲爾奈何公與議爾也

善僖公能與楚議釋賢者之厄

二十有二年春公伐邾婁取須朐

夏宋公衛侯許男滕子伐鄭

秋八月丁未及邾婁人戰于升陘

冬十有一月己巳朔宋公及楚人戰于泓宋

師敗績傷偏戰者曰爾此其言朔何春秋辭

繁而不殺者止也何正爾宋公與楚人期戰

于泓之陽楚人濟泓而來有司復曰請迨其

春秋公羊

傳

僖公

元

一

稽古樓

未畢濟而擊之宋公曰不可吾聞之也君子

不厄人吾雖喪國之餘寡人不忍行也既濟

未畢陳有司復曰請迨其未畢陳而擊之宋

公曰不可吾聞之也君子不鼓不成列已陳

然後襄公鼓之宋師大敗故君子大其不鼓

不成列臨大事而不忘大禮有君而無臣以

爲雖文王之戰亦不過此也

軍法以鼓戰以金止不鼓猶不戰也君子

不戰未成陣之師也有君而無臣惜其有
王德而無王佐也

二十有三年春齊侯伐宋圍緡傳邑不言圍
此其言圍何疾重故也

疾痛也重故喻若重故創矣楚人既敗之
齊又圍之如舟將沈而又以石墜之也重
故創也故言圍以起其不仁

夏五月庚寅宋公慙父卒傳何以不書葬盈

春秋

公羊

僖公

三

稽古樓

乎諱也

盈滿也以功覆惡也本以背殯不書其父
葬至身書葬則嫌霸業不成所覆者薄故
復使身不書葬明當以前諱除背殯以後

諱如待討

秋楚人伐陳

冬十有一月杞子卒

二十有四年春王正月

夏狄伐鄭

秋七月

冬天王出居于鄭傳王者無外此其言出何不能乎母也魯子曰是王也不能乎母者其諸此之謂與

不能事母故絕之言出

晉侯夷吾卒

二十有五年春王正月丙午衛侯燬滅邢傳

春秋

公羊傳

僖公

三十一

稽古樓

衛侯燬何以名絕曷為絕之滅同姓也

夏四月癸酉衛侯燬卒

宋蕩伯姬來逆婦傳宋蕩伯姬者何蕩氏之母也其言來逆婦何兄弟辭也其稱婦何有

姑之辭也

宋魯之間名結婚姻為兄弟

宋殺其大夫傳何以不名宋三世無大夫三

世內娶也

內娶大夫女也禮不臣妻之父母國內皆
臣無娶道故絕去大夫名正其義也三世
謂慈父王臣處曰

秋楚人圍陳納頓子于頓傳何以不言遂兩
之也

微者不別遂但別兩稱耳

葬衛文公

冬十有二月癸亥公會衛子莒慶盟于洮

春秋

公羊傳

僖公

三十一

稽古樓

二十有六年春王正月己未公會莒子衛甯

邀盟于向

齊人侵我西鄙公追齊師至禚弗及傳其言

至禚弗及何侈也

侈猶大大公能却強齊之兵弗者不之深
者也

夏齊人伐我北鄙衛人伐齊

公子遂如楚乞師傳乞師者何卑辭也曷爲

以外內同若辭重師也曷爲重師師出不正
反戰不正勝也

成十六年夏晉侯使欒黶來乞師十七年

秋晉侯使荀偃來乞師外亦言乞師也外

內皆同卑其辭者深爲與人者重之兵凶

器戰危事不得已而用之不正者不正其

自謂出當復反戰當必勝爾

秋楚人滅隗以隗子歸隗左穀作襲

春秋公羊傳儲公

三三

稽古樓

冬楚人伐宋圍緡傳邑不言圍此其言圍何
刺道用師也

時以師與魯未至又道用之不仁之甚也

楚自道用故從楚文

公以楚師伐齊取穀公至自伐齊傳此已取
穀矣何以致伐未得乎取穀也曷爲未得乎
取穀曰患之起必自此始也

未得乎者未可謂得意也

二十七年春杞子來朝

夏六月庚寅齊侯昭卒

秋八月乙未葬齊孝公

乙巳公子遂帥師入杞

冬楚人陳侯蔡侯鄭伯許男圍宋傳此楚子

也其稱人何貶曷為貶為執宋公貶故終僖

之篇貶也

十有二月甲戌公會諸侯盟于宋

春秋公羊

傳 僖公

三孟

稽古樓

二十有八年春晉侯侵曹晉侯伐衛傳曷為

再言晉侯非兩之也然則何以不言遂未侵

曹也未侵曹則其言侵曹何致其意也其意

侵曹則曷為伐衛晉侯將侵曹假塗于衛衛

曰不可得則固將伐之也

非兩之也者惡國家不重民命一出兵為

兩爭

公子買戍衛不卒戍刺之傳不卒戍者何不

卒成者內辭也不可使往也不可使往則其
言成衛何遂公意也刺之者何殺之也殺之
則曷爲謂之刺之內諱殺大夫謂之刺之也
使臣子不可使恥深故諱使若往不卒竟
事者明臣不當壅塞君命

楚人救衛

三月丙午晉侯入曹執曹伯界宋人傳界者
何與也其言界宋人何與使聽之也曹伯之

春秋公羊

僖公

三五

稽古樓

罪何甚惡也其甚惡奈何不可以一罪言也

與使聽之與使聽其獄也

夏四月己巳晉侯齊師宋師秦師及楚人戰
于城濮楚師敗績傳此大戰也曷爲使微者
子玉得臣也子玉得臣則其稱人何貶曷爲
貶大夫不敵君也
楚殺其大夫得臣

衛侯出奔楚

五月癸丑公會晉侯齊侯宋公蔡侯鄭伯衛
子莒子盟于踐土陳侯如會傳其言如會何
後會也

公朝于王所傳曷爲不言公如京師天子在
是也天子在是則曷爲不言天子在是不與
致天子也

六月衛侯鄭自楚復歸于衛

衛元咺出奔晉

春秋

公羊

僖公

三六

稽古樓

陳侯款卒

秋杞伯姬來

公子遂如齊

冬公會晉侯齊侯宋公蔡侯鄭伯陳子莒子

邾婁子秦人于溫

天子狩于河陽傳狩不書此何以書不與再

致天子也魯子曰溫近而踐土遠也

溫近狩地故可言狩踐土遠狩地故不言

狩也

壬申公朝于王廬其日何錄乎內也

危錄內再失禮將為有義者所惡

晉人執衛侯歸之于京師歸之于者何歸
于者何歸之于者罪已定矣歸于者罪未定
也罪未定則何以得為伯討歸之于者執之
于天子之側者也罪定不定已可知矣歸于
者非執之于天子之側者也罪定不定未可

春秋公羊

僖公

三七

稽古樓

知也衛侯之罪何殺叔武也何以不書為叔
武諱也春秋為賢者諱何賢乎叔武讓國也
其讓國奈何文公逐衛侯而立叔武叔武辭
立而他人立則恐衛侯之不得反也故於是
已立然後為踐土之會治反衛侯衛侯得反
曰叔武篡我元咺爭之曰叔武無罪終殺叔
武元咺走而出此晉侯也其稱人何貶曷為
貶衛之禍文公為之也文公為之奈何文公

逐衛侯而立叔武使人兄弟相疑放乎殺母弟者文公爲之也

成十五年晉侯執曹伯歸于京師已白天

子罪定不定自在天子故言已可知未可

知者未得白天子也分別之者但欲明諸

侯尊貴不得自相治當斷之於天子爾治

反衛侯者叔武訟治於晉文公令白王者

反衛侯使還國也春秋許人臣者必使臣

春秋

公羊

僖公

傳

三

八

稽古樓

許人子者必使子文公惡衛侯太深愛叔

武太甚使兄弟相疑文公本逐之非故致

此禍也

衛元咺自晉復歸于衛傳自者何有力焉者

也此執其君其言自何爲叔武爭也

有力焉者有力於晉也言恃晉有屬己力

以歸爲叔武爭解文公助之意

諸侯遂圍許

曹伯襄復歸于曹

遂會諸侯圍許

二十有九年春介葛盧來傳介葛盧者何夷

狄之君也何以不言朝不能乎朝也

不能升降揖讓

公至自圍許

夏六月公會王人晉人宋人齊人陳人蔡人

秦人盟于狄泉左穀無公字
狄二傳作翟

春秋公羊傳僖公

秋大雨雹

冬介葛盧來

三十年春王正月

夏狄侵齊

秋衛殺其大夫元咺及公子瑕傳衛侯未至

其稱國以殺何道殺也

時已得天子命還國於道路遇而殺之坐

之與至國同

衛侯鄭歸于衛傳此殺其大夫其言歸何歸惡乎元咺也曷爲歸惡乎元咺元咺之事君也君出則已入君入則已出以爲不臣也

衛侯歸殺無惡則元咺之惡明矣

晉人秦人圍鄭

介人侵蕭

冬天王使宰周公來聘

公子遂如京師遂如晉傳大夫無遂事此其

春秋

公羊傳

僖公

四十

稽古樓

言遂何公不得爲政爾

三十有一年春取濟西田傳惡乎取之取之曹也曷爲不言取之曹諱取同姓之田也此未有伐曹者則其言取之曹何晉侯執曹伯班其所取侵地于諸侯也晉侯執曹伯班其所取侵地於諸侯則何諱乎取同姓之田也

本爲霸者所還當時不取久後有悔更緣

前語取之不應以得故當坐取也

公子遂如晉

夏四月四卜郊不從乃免牲猶三望也曷爲
或言三卜或言四卜三卜禮也四卜非禮也
三卜何以禮四卜何以非禮求吉之道三禘
嘗不卜郊何以卜卜郊非禮也卜郊何以非
禮魯郊非禮也魯郊何以非禮天子祭夫諸
侯祭土天子有方望之事無所不通諸侯山

春秋

公羊傳

僖公

望

稽古樓

川有不在其封內者則不祭也曷爲或言免
牲或言免牛免牲禮也免牛非禮也免牛何
以非禮傷者曰牛三望者何望祭也然則曷
祭祭大山河海曷爲祭大山河海山川有能
潤于百里者天子秩而祭之觸石而出膚寸
而合不崇朝而徧雨乎天下者唯大山爾河
海潤于千里猶者何通可以已也何以書譏
不郊而望祭也

三卜吉凶必有相奇者可以決疑故求吉
必三卜郊者所以祭天也土謂社也方望
謂郊時所望祭四方羣神日月星辰風伯
雨師五嶽四瀆及餘山川凡三十六所諸
侯所土狹故魯郊非禮也免牲者禮卜郊
不吉則爲牲作元衣纁裳使有司玄端放
之於南郊明本爲天不敢留天牲也養牲
不謹敬致災傷天不饗用不得復爲天牲
故以本牛名之免牛非禮者非天牲不當
復見免但當內自省責而已秩者隨其大
小尊卑高下所宜禮祭天牲角繭栗社稷
宗廟角握六宗五嶽四瀆角尺其餘山川
視卿大夫天燎地瘞日月星辰布山縣水
沈風磔雨升側手爲膚案指爲寸言其觸
石理而出無有膚寸而不合也崇重也

秋七月

春秋

公羊

僖公

卷二

稽古樓

冬杞伯姬來求婦傳其言來求婦何兄弟辭也其稱婦何有姑之辭也

狄圍衛

十有二月衛遷于帝邱

三十有二年春王正月

夏四月己丑鄭伯接卒

衛人侵狄

秋衛人及狄盟

春秋

公羊傳

僖公

星

稽古樓

冬十有二月己卯晉侯重耳卒

三十有三年春王二月秦人入滑

齊侯使國歸父來聘

夏四月辛巳晉侯及姜戎敗秦于殽傳其謂

之秦何夷狄之也曷爲夷狄之秦伯將襲鄭

百里子與蹇叔子諫曰千里而襲人未有不

亡者也秦伯怒曰若爾之年者宰上之木拱

矣爾曷知師出百里子與蹇叔子送其子而

戒之曰爾卽死必於殺之嶽巖是文王之所
辟風雨者也吾將尸爾焉子揖師而行百里
子與蹇叔子從其子而哭之秦伯怒曰爾曷
爲哭吾師對曰臣非敢哭君師哭臣之子也
弦高者鄭商也遇之殺矯以鄭伯之命而犒
師焉或曰往矣或曰反矣然而晉人與姜戎
要之殺而擊之匹馬隻輪無反者某言及姜
戎何姜戎微也稱人亦微者又何言乎姜戎
春秋公羊傳儲公

四四

稽古樓

之微先軫也或曰襄公親之襄公親之則其
稱人何貶曷爲貶君在乎殯而用師危不得
葬也詐戰不曰此何以日盡也秦下左殺有
師字嶽音欽

避音

宰冢也嶽巖險阻隘勢一人可要白文王

過之馳驅若辟風雨襲鄭所當由也揖師

揖其父於師中介冑不拜爲其拜如蹲或

曰軍中語也或以鄭伯已知將見襲必設

備不如還或以既出當遂往矣然上議
猶豫留往之頃也隻蹄也先軫晉大夫也
言姜戎微則知稱人者尊矣詐卒也齊人
語也卒七忽反

癸巳葬晉文公

狄侵齊

公伐邾婁取叢

秋公子遂率師伐邾婁

春秋

公羊傳 僖公

四五

稽古樓

晉人敗狄于箕

冬十月公如齊

十有二月公至自齊

乙巳公薨于小寢

賈霜不殺章李梅實傳何以書記異也何異

爾不時也

晉人陳人鄭人伐許

春秋公羊傳僖公終

春秋公羊傳

漢何休學

明閔齊伋裁註

文公

元年春王正月公即位

二月癸亥朔日有食之左穀無朔字

天王使叔服來會葬禮也其言來會葬何會葬

禮也

春秋公羊傳

文公

一

稽古樓

書天子之尊起諸侯之薄

夏四月丁巳葬我君僖公

天王使毛伯來錫公命錫者何賜也命者

何加我服也

桓是贈死之衣此乃朝祭之服

晉侯伐衛

叔孫得臣如京師

衛人伐晉

秋公孫敖會晉侯于戚

冬十月丁未楚世子商臣弑其君髡

左氏作頹

公孫敖如齊

二年春王二月甲子晉侯及秦師戰于彭衙

秦師敗績

丁丑作僖公主傳作僖公主者何為僖公作

主也主者曷用虞主用桑練主用粟用栗者

藏主也作僖公主何以書譏何譏爾不時也

春秋公羊傳

文公

二

稽古樓

其不時奈何欲久喪而後不能也

作練主以十三月文公欲喪三十六月十

九月作練主又不能故以十五月也

三月乙巳及晉處父盟傳此晉陽處父也何

以不氏諱與大夫盟也

諱去氏者使若得其君然

夏六月公孫敖會宋公陳侯鄭伯晉士穀盟

于垂斂

自十有二月不雨至于秋七月傳何以書記異也大旱以災書此亦旱也曷爲以異書大旱之日短而云災故以災書此不雨之日長而無災故以異書也

云言也言有災也

八月丁卯大事于大廟躋僖公傳大事者何大禘也大禘者何合祭也其合祭奈何毀廟之主陳于大祖未毀廟之主皆升合食于大

春秋

公羊傳

文公

三

稽古樓

祖五年而再殷祭躋者何升也何言乎升僖公譏何譏爾逆祀也其逆祀奈何先禰而後祖也

殷盛也五年再殷祭謂三年禘五年禘逆

祀者文公緣僖公於閔公爲庶兄升僖於

閔上失先後之義故譏之曰後祖者僖公

以臣繼閔公猶子繼父故閔公於文公亦

猶祖也

冬晉人宋人陳人鄭人伐秦

公子遂如齊納幣傳納幣不書此何以書譏何譏爾譏喪娶也娶在三年之外則何譏乎喪娶三年之內不圖婚吉禘于莊公譏然則曷爲不於祭焉譏三年之恩疾矣非虛加之也以人心爲皆有之以人心爲皆有之則曷爲獨於娶焉譏娶者大吉也非常吉也其爲言者主於己以爲有人心焉者則宜於此焉

春秋

公羊傳

文公

四

稽古樓

變矣

疾痛也非虛加之也者非虛加責之以人心爲皆有疾痛不忍娶者爾主於己者主於己身不如祭祀尚有念先人之心也變變慟哭泣也

三年春王正月叔孫得臣會晉人宋人陳人

衛人鄭人伐沈沈潰

夏五月王子虎卒傳王子虎者何天子之大

夫也外大夫不卒此何以卒新使乎我也

叔服來會葬在三年中卒君子恩隆於親

親則加報之

秦人伐晉

秋楚人圍江

兩蝨于宋傳兩蝨者何死而墜也何以書記

異也外異不書此何以書為王者之後記異

也

春秋

公羊傳

文公

五

稽古樓

冬公如晉十有二月己巳公及晉侯盟

晉陽處父帥師伐楚救江傳此伐楚也其言

救江何為諉也其為諉奈何伐楚為救江也

左傳楚下有以字諉許元反

諉詐也以為其勢必當引圍江兵還自救

也

四年春公至自晉

夏逆婦姜于齊傳其謂之逆婦姜于齊何略

之也高子曰娶乎大夫者略之也

不書逆者主名不言如齊不稱女賤不可
以奉宗廟故略之

狄侵齊

秋楚人滅江

晉侯伐秦

衛侯使甯俞來聘

冬十有一月壬寅夫人風氏薨

春秋

公羊傳

文公

六

稽古樓

五年春王正月王使榮叔歸舍且賜_傳舍者何口實也其言歸舍且賜何兼之兼之非禮也

口實孝子所以實親口也天子以珠諸侯

以玉大夫以碧士以貝文家加飯以稻米

二月葬我小君成風_傳成風者何僖公之母也

也

王使召伯來會葬

召穀作毛

夏公孫敖如晉

秦人入鄴

秋楚人滅六

冬十月甲申許男業卒

六年春葬許僖公

夏季孫行父如陳

秋季孫行父如晉

八月乙亥晉侯謹卒

謹左毅作驩

春秋公羊傳文公

七

稽古樓

冬十月公子遂如晉葬晉襄公

晉殺其大夫陽處父晉狐射姑出奔狄傳晉

殺其大夫陽處父則狐射姑曷為出奔射姑

殺也射姑殺則其稱國以殺何君漏言也其

漏言奈何君將使射姑將陽處父諫曰射姑

民眾不說不可使將於是廢將陽處父出射

姑入君謂射姑曰陽處父言曰射姑民眾不

說不可使將射姑怒出刺陽處父於朝而走

射音亦
穀作夜

漏言殺之當坐君殺

閏月不告月猶朝于廟傳不告月者何不告
朔也曷為不告朔天無是月也閏月矣何以
謂之天無是月非常月也猶者何通可以已
也

禮諸侯受十二月朔政於天子藏於太祖

廟每月朔朝廟使大夫南面奉天子命君

春秋

公羊傳

文公

八

稽古樓

北面而受之閏月所在無常故無政也朝
者因視朔政無政而朝故加猶

七年春公伐邾婁

三月甲戌取須朐傳取邑不日此何以日內

辭也使若他人然

胸在穀作句

使若公春伐邾婁而去他人自以甲戌日

取之爾

遂城部

夏四月宋公王臣卒

王穀作王

宋人殺其大夫傳何以不名宋三世無大夫

三世內娶也

戊子晉人及秦人戰于令狐晉先昧以師奔

秦傳此偏戰也何以不言師敗績敵也此晉

先昧也其稱人何貶曷為貶外也其外奈何

以師外也何以不言出遂在外也昧左穀作蔑

敵言俱無勝負先昧懷持二心有功欲還

春秋

公羊傳

文公

九

稽古樓

無功便持師出奔故於戰貶之起其以師

外也遂在外者生事成於竟外從竟外去

也

狄侵我西鄙

秋八月公會諸侯晉大夫盟于扈傳諸侯何

以不序大夫何以不名公失序也公失序奈

何諸侯不可使與公盟昧音晉大夫使與公盟

也昧音

以日通指曰朕文公內則欲久喪而後不能喪娶逆祀外則貪利取邑爲諸侯所薄賤不見序故深諱爲不可知之辭

冬徐伐莒

公孫敖如莒莅盟

八年春王正月

夏四月

秋八月戊申天王崩

春秋公羊傳文公

冬十月壬午公子遂會晉趙盾盟于衡雍

乙酉公子遂會伊雜戎盟于暴左穀無伊字

公孫敖如京師不至復丙戌奔莒傳不至復

者何不至復者內辭也不可使往也不可使

往則其言如京師何遂公意也何以不言出

遂在外也左穀至下有而字

不可使往者安居不肯行故諱使若已行

但不至還爾遂公意者正其義不使君命

壅塞也遂在外者諱使若從外來不敢復還者也

蠲

宋人殺其大夫司馬宋司城來奔傳司馬者何司城者何皆官舉也曷爲皆官舉宋三世無大夫三世內娶也

官舉以官名舉言之

九年春毛伯來求金傳毛伯者何天子之大

春秋

公羊傳

文公

十一

稽古樓

十一

稽古樓

天也何以不稱使當喪未君也踰年矣何以謂之未君卽位矣而未稱王也未稱王何以知其卽位以諸侯之踰年卽位亦知天子之踰年卽位也以天子三年然後稱王亦知諸侯於其封內三年稱子也踰年稱公矣則曷爲於其封內三年稱子緣民臣之心不可一日無君緣終始之義一年不二君不可曠年無君緣孝子之心則三年不忍當也毛伯來

求金何以書譏何譏爾王者無求求金非禮也然則是王者與曰非也非王者則曷爲謂之王者王者無求曰是子也繼文王之體守文王之法度文王之法無求而求故譏之也不忍當者孝子三年志在思慕不忍當父

位引文王者文王始受命制法度

夫人姜氏如齊

二月叔孫得臣如京師

春秋

公羊傳

文公

廿

稽古樓

辛丑葬襄王傳王者不書葬此何以書不及時書過時書我有往者則書

晉人殺其大夫先都

三月夫人姜氏至自齊

晉人殺其大夫士穀及箕鄭父

楚人伐鄭公子遂會晉人宋人衛人許人救

鄭

夏狄侵齊

秋八月曹伯襄卒

九月癸酉地震傳地震者何動地也何以書

記異也

先言動者喻若物之動地以曉人

冬楚子使椒來聘傳椒者何楚大夫也楚無

大夫此何以書始有大夫也始有大夫則何

以不氏許夷狄者不一而足也椒穀作萩

許與也足其氏則當純以中國禮貴之嫌

春秋公羊傳文公

十三

稽古樓

夷狄質薄不可卒備故且以漸卒七忽反

秦人來歸僖公成風之祿傳其言僖公成風

何兼之兼之非禮也曷為不言及成風成風

尊也

不可使卑及尊也母尊序在下者婦人有

三從夫死繫子

葬曹共公

十年春王三月辛卯臧孫辰卒

夏秦伐晉

楚殺其大夫宜申

自正月不雨至于秋七月

及蘇子盟于女栗

冬狄侵宋

楚子蔡侯次于屈貉

左穀作屈貉

十有一年春楚子伐圍

左穀作麋

夏叔彭生會晉郤缺于承匡

左傳抄下有仲字世作筐

春秋

公羊傳

文公

十四

稽古樓

秋曹伯來朝

公子遂如宋

侵齊

冬十月甲午叔孫得臣敗狄于鹹

長狄也兄弟三人一者之齊一者之魯一者

之晉其之齊者王子成父殺之其之魯者叔

孫得臣殺之則未知其之晉者也其言敗何

大之也其日何大之也其地何大之也何以

書記異也

長狄蓋長百尺關中記云秦始皇二十六
年有長人十二見於臨洮身長百尺皆夷
狄服是時初并六國以為瑞乃收天下兵
器鑄作銅人十二象之

十有二年春王正月盛伯來奔傳盛伯者何
失地之君也何以不名兄弟辭也

杞伯來朝

春秋

公羊傳

文公

十五

稽古樓

二月庚子子叔姬卒傳此未適人何以卒許
嫁矣婦人許嫁字而笄之死則以成人之喪
治之其稱子何貴也其貴奈何母弟也

夏楚人圍巢

秋滕子來朝

秦伯使遂來聘傳遂者何秦大夫也秦無大
夫此何以書賢繆公也何賢乎繆公以為能
變也其為能變奈何惟譏善諍言俾君子

易怠而況乎我多有之惟一介斷斷焉無他
技其心休休能有容是難也

談在淺反
靜在井反

談淺薄之貌靜猶撰也能撰善言也我

秦伯自我也言況於我之懷其善言無算

故曰多有之一介猶一槩也

冬十有二月戊午晉人秦人戰于河曲傳此
偏戰也何以不言師敗績敵也曷為以水地
河曲疏矣河千里而一曲也

春秋

公羊傳

文公

十六

稽古樓

二國之君數興兵相伐戰無已時故不言
及不別曲直而地以河曲明兩齟也以水

地者謂以水曲折起地遠近所在也

季孫行父帥師城諸及運

左穀作
耶後同

十有三年春王正月

夏五月壬午陳侯朔卒

邾婁子蘧僚卒

自正月不雨至秋七月

世室屋壞傳世室者何魯公之廟也周公稱
大廟魯公稱世室羣公稱宮此魯公之廟也
曷爲謂之世室世室猶世室也世世不毀也
周公何以稱大廟于魯封魯公以爲周公也
周公拜乎前魯公拜乎後曰生以養周公死
以爲周公主然則周公之魯乎曰卒之魯也
封魯公以爲周公主然則周公曷爲不之魯
欲天下之一乎周也魯祭周公何以爲牲周
春秋公羊傳文公

七

稽古樓

公用白牲魯公用騂犗羣公不毛魯祭周公
何以爲盛周公盛魯公壽羣公廩世室屋壞
何以書譏何譏爾久不脩也

周公德至重功至大嫌之魯恐天下遇心
趣鄉之故封伯禽命使遙供養死則奔喪
爲主所以一天下之心於周室爾白牲殷
牲也不敢與文武同也騂犗赤脊犗牲也
從周制以脊爲差也不毛不純色所以降

於尊祖也爲盛之盛黍盛也在器曰盛周
公盛之盛新穀也壽者冒也故上以新也
周公盛謂新穀滿其器魯公壽謂下故上
新廩者連新於陳上財令半相連耳

冬公如晉衛侯會于沓

左穀會下有公字

狄侵衛

十有二月己丑公及晉侯盟還自晉鄭伯會

公于斐還者何善辭也何善爾往黨衛侯

春秋傳

公羊

文公

大

稽古樓

會公于沓至得與晉侯盟反黨鄭伯會公于

斐故善之也

黨所也所猶時齊人語也文公前扈之盟

不序後能救鄭之難不逆王者之求上得

尊尊之義下得解患之恩一出三爲諸侯

所榮故加錄於其還時皆深善之

十有四年春王正月公至自晉

邾婁人伐我南鄙

叔彭生帥師伐邾婁

夏五月乙亥齊侯潘卒

六月公會宋公陳侯衛侯鄭伯許男曹伯晉

趙盾癸酉同盟于新城

秋七月有星孛入于北斗傳孛者何彗星也

其言入于北斗何北斗有中也何以書記異也

中者魁中

春秋

公羊傳

文公

十九

稽古樓

公至自會

晉人納接菑于邾婁弗克納傳納者何入辭

也其言弗克納何大其弗克納也何大乎其

弗克納晉卻缺帥師革車八百乘以納接菑

于邾婁方沛若有餘而納之邾婁人言曰接

菑晉出也纘且齊出也子以其指則接菑也

四纘且也六子以大國壓之則未知齊晉孰

有之也貴則皆貴矣雖然纘且也長卻缺曰

非吾力不能納也義實不爾克也引師而去
之故君子大其弗克納也此晉卻缺也其稱
人何貶曷爲貶不與大夫專廢置君也曷爲
不與實與而文不與文曷爲不與大夫之義
不得專廢置君也

按左穀作捷獲俱
縛反且子餘反

出外孫也指手指四六俱不得天之正性
一云接苗猶人之四指獲且猶人之六指

言此者喻皆庶子矣

春秋

公羊

文公

二十

稽古樓

九月甲申公孫敖卒于齊

齊公子商人弑其君舍傳此未踰年之君也
其言弑其君舍何已立之已殺之成死者而
賤生者也

成死者之君號以賤商人之所爲

宋子哀來奔傳宋子哀者何無聞焉爾

冬單伯如齊齊人執單伯齊人執子叔姬傳
執者曷爲或稱行人或不稱行人稱行人而

執者以其事執也不稱行人而執者以已執也單伯之罪何道淫也惡乎淫淫于子叔姬然則曷爲不言齊人執單伯及子叔姬內辭也使若異罪然

以已執者自以大夫之罪執之非爲國事也若異罪然深諱使若各以他事見執然

十有五年春季孫行父如晉

三月宋司馬華孫來盟

春秋

公羊傳

文公

五

稽古樓

夏曹伯來朝

齊人歸公孫敖之喪何不言來內辭也爲我而歸之筍將而來也

筍者竹篋一名編輿齊魯以此名之曰筍

取其尸置編輿中將送也

六月辛丑朔日有食之鼓用牲于社

單伯至自齊

晉卻缺帥師伐蔡戊申入蔡何不言伐此

其言伐何至之日也其日何至之日也

秋齊人侵我西鄙

季孫行父如晉

冬十有一月諸侯盟于扈

十有二月齊人來歸子叔姬傳其言來何閔

之也此有罪何閔爾父母之於子雖有罪猶

若其不欲服罪然

齊侯侵我西鄙遂伐曹入其郭傳郭者何恢

春秋

公羊傳

文公

主

稽古樓

郭也入郭書乎曰不書入郭不書此何以書

動我也動我者何內辭也其實我動焉爾

恢大也齊侵魯魯為子叔姬故動懼失操

云爾鄉者不去幾人我郭故舉入郭以起

魯恥

十有六年春季孫行父會齊侯于陽穀齊侯

弗及盟傳其言弗及盟何不見與盟也

為叔姬故中見簡賤不見與盟

夏五月公四不視朔傳公曷爲四不視朔公
有疾也何言乎公有疾不視朔自是公無疾
不視朔也然則曷爲不言公無疾不視朔有
疾猶可言也無疾不可言也

六月戊辰公子遂及齊侯盟于犀邱

秋八月辛未夫人姜氏薨

毀泉臺傳泉臺者何郎臺也郎臺則曷爲謂

之泉臺未成爲郎臺既成爲泉臺毀泉臺何

春秋

公羊 文公

三

稽古樓

以書譏何譏爾築之譏毀之譏先祖爲之已
毀之不如勿居而已矣

楚人秦人巴人滅庸

冬十有一月宋人弑其君處傳弑君者曷

爲或稱各氏或不稱各氏大夫弑君稱各氏

賤者竊諸人大夫相殺稱人賤者竊諸盜

降大夫使稱人降士使稱盜者所以別死

刑有輕重也

十有七年春晉人衛人陳人鄭人伐宋

夏四月癸亥葬我小君聖姜傳聖姜者何文

公之母也聖左穀作聲

齊侯伐我西鄙

六月癸未公及齊侯盟于穀

諸侯會于扈

秋公至自穀

公子遂如齊

春秋公羊傳文公

三

稽古樓

十有八年春王二月丁丑公薨于臺下

秦伯營卒

夏五月戊戌齊人弑其君商人

六月癸酉葬我君文公

秋公子遂叔孫得臣如齊

冬十月子卒傳子卒者孰謂謂子赤也何以

不日隱之也何隱爾弑也弑則何以不日不

忍言也

所聞世臣子恩痛王父深厚故不忍言其
日與子般異

夫人姜氏歸于齊

季孫行父如齊

萬弑其君庶其傳稱國以弑何稱國以弑者

眾試君之辭

一人弑君國中人人盡喜故舉國以明失

眾當坐絕也

春秋

公羊傳

文公

五

稽古樓

春秋公羊傳文公終

02234

